

內科學講義

下

午 2

7642.



十 眩暈

■ 風寒眩暈

【症象】頭痛額痛。骨節煩痛。身熱多汗。上氣喘逆。躁擾時眩。此風邪眩暈之症也。若身熱無汗。惡寒拘緊。頭痛身痛。時時冒眩。此寒邪眩暈之症也。

【原因】或風木司政。風熱大作。或體虛不謹。外受風邪。風主乎陽。風熱爲患。則令人掉眩。或太陽司政。寒氣凌逼。或太陰在泉。寒冲頭角。則發眩暈。或疾風暴冷。冒寒入胃。激動涎痰。亦令人眩暈。

【診斷】左脉浮數。太陽風熱。左脉浮弦。少陽風熱。右脉浮數。陽明風熱。右脉滑大。內有痰涎。左脉浮緊。太陽寒邪。左脉弦緊。少陽寒邪。右脉浮緊。陽明寒邪。

【治療】左脉浮數。太陽風邪者。羌活防風湯加天麻黃芩。左脉浮弦。少陽風熱。柴胡防風湯加天麻羌活。右脉浮數。陽明風熱者。乾葛防風湯加天麻。

升麻。右脉滑大。症兼痰涎者。導痰湯。加天麻防風。左脉浮緊。太陽寒邪者。羌獨敗毒湯。加天麻細辛。左脉弦緊。少陽寒邪者。柴胡羌活湯。加天麻川芎。右脉浮緊。陽明寒邪者。乾葛羌活湯。加天麻升麻。大凡眩暈之症。多有兼痰者。故天麻方書多用之。今申明首條。則以下諸條。皆可參而用也。

【方藥】柴胡防風湯 卽小柴胡湯去半夏加防風

乾葛防風湯

乾葛 石羔 知母 甘草 防風

導痰湯

南星 半夏 枳實 甘草 橘紅

柴胡羌活湯

柴胡 羌活 防風 川芎

乾葛羌活湯

乾葛 羌活 防風 白芷

暑濕眩暈

【症象】熱令之時。自汗身熱。面垢背寒。煩渴引飲。小便赤澀。頭目冒眩。此濕熱眩暈之症。若雨濕之時。惡寒無熱。身重身痛。不能轉側。無汗拘攣。頭旋眼眩。此寒濕眩暈之症也。

【原因】炎夏主令。天之熱氣下降。地之濕氣上升。人感冒之。則爲濕熱眩暈之症。若陰雨太多。人感冒之。經所云濕氣內逆。寒氣不行。太陽上留。亦爲眩暈之症。

【診斷】傷暑之脉。虛而帶數。傷濕之脉。濡而遲緩。暑濕二脉。虛細者多。實大者少。虛緩者寒。虛數者熱。

【治療】煩渴引飲。脉虛帶數者。人參白虎湯。自汗煩躁。小便赤澀。黃連香薷飲。沖六一散溫服。若惡寒無熱。身痛不能轉側。脉遲緩者。羌獨勝濕湯合



中國醫藥大學圖書館版權所有

朮附湯。

【方藥】黃連香茹飲 見中熱

羌活勝濕湯 治太陽少陽濕熱。

羌活 防風 柴胡 蒼朮 川芎 茯苓 猪苓 澤瀉 黃柏

甘草

朮附湯 見腹脹

■燥火眩暈

【症象】身熱煩躁。口渴引飲。夜臥不寧。頭旋眼黑。小便赤澀。

【原因】經謂厥陰司天。客勝則耳鳴掉眩。又云。肝肺太過。善忘忽冒眩。此皆運氣加臨之眩暈也。又有時令之熱。感入腸胃。傳於臟腑。上冲頭目。則眼眩旋轉。此人自感冒而爲眩暈也。

【診斷】左脉躁疾。厥陰客勝。右脉躁疾。肺熱眩暈。左右皆疾。肝肺太過。右脉



南京中医药大学图书馆版权所有

躁疾。燥火傷氣。左脉躁疾。燥火傷血。

【治療】左脉躁疾。厥陰掉眩者。柴胡清肝飲。右脉躁疾。肺熱上冲者。清肺飲。左右躁疾。肝肺太過者。瀉青各半湯。右手脉數。燥火傷氣者。竹葉石羔湯。左手脉數。燥火傷血者。歸芍大黃湯。

【方藥】柴胡清肝飲 見腹痛

清肺飲

瀉青各半湯 二方見咳嗽

竹葉石羔湯 見痰症

歸芍大黃湯

當歸身 白芍藥 川大黃 丹皮

■氣虛眩暈

【症象】氣虛卽陽虛也。其人面色白。身無熱。神識清爽。言語輕微。二便清利。



南京中医药大学图书馆版权所有

時或虛陽上浮。頭面得火。眩暈不止。或熱手按之。則運乃定。

【原因】大病久病後。汗下太過。元氣耗散。或悲號冷引。以傷肺氣。曲運神機。以傷心氣。或惱怒傷肝。鬱結傷脾。入房傷腎。飢飽傷胃。

【診斷】脉浮而空。浮則爲氣。空則爲虛。右寸脉虛。肺氣不足。右關脉虛。中氣不足。左寸脉虛。心氣不足。左關脉虛。肝胆氣弱。兩尺脉虛。腎氣不足。

【治療】肺氣不足者。人參生脉散合四君子湯。中氣不足者。補中益氣湯。中氣虛寒而不能運化水穀者。理中湯。心氣不足者。酸棗仁湯。肝氣有傷者。逍遙散。腎氣不足。都氣丸。眞陽不足。虛陽上浮者。腎爲丸。加鹿角膠爲丸。攝伏降之。古方用一味鹿茸濃煎服。治眞陽虛者最效。

【方藥】人參生脉散 見霍亂

四君子湯

補中益氣湯



北京中醫藥大學圖書館版權所

理中湯 上三方見痢疾

酸棗仁湯 見不得臥

逍遙散 見咳嗽

都氣丸 卽六味丸加五味子

腎氣丸 卽熱八味丸加車前子

血虛眩暈

【症象】血虛卽陰虛也。形體黑瘦。五心常熱。夜多盜汗。睡臥不甯。頭面火升。則眼花旋轉。火氣下降。則旋暈亦止。不比外感之常暈不休。不比痰火之暴發暴作。

【原因】陽絡傷。則血外溢上逆。陰絡傷。則血內溢下泄。凡此亡血成虛。而爲眩暈者。又有焦心勞思。憂愁鬱結。心脾傷而不能生血。或惱怒傷肝。相火內動。而煎熬血室。此陰血內耗。血海乾枯。而爲眩暈者也。



南京中醫藥大學圖書館版權所

【診斷】脉多細濇。細而不數。血虛無熱。細而帶數。血虛有熱。左寸細濇。心血不足。左關細濇。肝不藏血。右關細濇。脾不統血。兩尺細數。腎陰枯竭。

【治療】血從下泄。傷於陰絡。血虛無火。脉細不數者。歸脾湯。補中益氣湯。心血不足。血虛無火。左寸細濇者。酸棗仁湯。心血不足。血虛有火。左寸細數者。天王補心丹。合安神丸。肝血不足。血虛無火。左關細濇者。逍遙散。血虛有火。左關細數者。知柏四物湯。陰脾不足。血虛無火。右關細濇者。歸脾湯。血虛有火。右關細數者。加味當歸補血湯。腎陰不足。水虛無熱。尺脉不數者。八味丸。水虛有火。尺脉洪數者。知柏天地煎。知柏肝腎丸。古方用玄武膠一味。陰虛火旺。最效。

【方藥】歸脾湯 見吐血

補中益氣湯 見痢疾

天王補心丹 見吐血

安神丸 見中風

逍遙散 見咳嗽

知柏四物湯 見喘症

加味補血湯 卽當歸補血湯加黃柏知母

■火冲眩暈

【症象】暴發倒仆。昏不知人。甚則遺尿不覺。少頃汗出而醒。仍如平人。

【原因】內經有諸風掉眩。皆屬肝木。言風主乎動。木旺火生。則爲旋轉。此五志厥陽之火上冲。而爲實火眩暈之症。若肝腎之眞陰不足。龍雷之火上冲清道。亦令人頭旋眼黑。此陰火上冲。而爲虛火眩暈之症。又有眞陽不足。虛陽上浮。亦令人頭目冒眩。此命門眞火不足。而爲虛陽上浮眩暈之症也。

【診斷】脉多洪數。洪爲陽盛。數爲火熱。左寸洪數。心火妄動。左關洪數。肝胆



之熱。左尺洪數。腎與膀胱。右寸洪數。肺中之熱。右關洪數。脾胃之火。右尺洪數。三焦之熱。兩尺空大。沉按不數。虛陽之別。

【治療】心火妄動。左寸洪數者。導赤各半湯。左寸細數者。天王補心丹。肝旺有火。左關數大者。梔子清肝散。熱甚者。龍胆瀉肝湯。肝經血少。左關細數者。知柏四物湯。家秘肝腎丸。左尺數大。膀胱小腸發熱者。火府丹。知柏導赤散。熱甚者。梔連導赤散。左尺細數。精血虛而火旺者。知柏天地煎。加玄武膠。收斂陰中之火以降之。肺熱上冲。右寸數大者。家秘瀉白散。右寸細數。肺陰不足者。二冬二母丸。合青金丸。脾胃有火。右關數大者。梔連平胃散。乾葛清胃散。右關細數。脾陰不足者。知柏補血湯。知柏戊己湯。虛而熱甚者。梔連補血湯。梔連戊己湯。三焦熱甚。右尺實數者。竹葉石膏湯。加山梔黃芩。虛陽上浮。右尺浮大。沉按無力者。當用八味腎氣丸。溫補天真。斂真陽之火。攝伏以降之。

【方藥】導赤各半湯 見中風

天王補心丹 見吐血

梔子清肝散

梔子 丹皮 柴胡 當歸 白芍藥 牛旁子 黃芩 甘草

龍胆瀉肝湯 見脅痛

知柏四物湯 見呃症

家秘肝腎丸 見吐血

火府丹 治熱結上焦。小便不利。

生地 木通 甘草 黃芩 山梔

知柏導赤散 治熱結中焦。小便不利。

生地 木通 甘草 知母 黃柏

梔連導赤散 治熱結下焦。小便不利。



生地 木通 甘草 山梔 川黃連

乾葛清胃散

升麻 丹皮 生地 當歸 石羔 川黃連 乾葛 甘草

知柏補血湯

知母 黃柏 黃芪 當歸身

知柏戊巳湯

知母 黃柏 甘草 白芍藥

梔連補血湯

山梔 黃連 黃芪 當歸

梔連戊巳湯

山梔 黃連 甘草 白芍藥

竹葉石羔湯



知母 石羔 欵冬 竹葉 山梔 黃芩

【雜論】觀嚴用和眩暈論云。眩掉諸症。內經皆主肝風上攻致是。而原病式釋之曰。風木生火。風火皆主陽。炤得風則自旋轉。然此但可論風火之眩暈。若外感六淫之邪。內傷七情之症。皆能致眩暈者。於是立外感風寒暑濕四條。又立內傷痰涎下虛兩條。實爲眩暈指南。然尤惜其六氣未全。七情未備。且其用方主治。又難於下手。劉宗厚議其論症親切。集方欠明。深中其弊。今爲斟酌分立。其主治之方。皆按經對症。不得以平淡無奇而忽之也。

十一 腫脹

■風寒腫

【症象】惡寒身熱。身首皆腫。風勝多汗。寒勝無汗。此外感風寒。卽金匱風水皮水。從太陽經主治之症也。

【原因】表氣素虛。肺氣素熱。表氣虛則外邪易入。肺氣熱則皮毛易開。若襲

於肌表。鬱而不散。則發熱身腫之症作矣。

【診斷】脈見浮大。或見浮數。或見浮緊。浮緩爲風。浮緊爲寒。浮數爲熱。【治療】浮緩散風。浮緊散寒。仲景防己黃芪湯。治風者也。甘草麻黃湯。杏子湯。散寒者也。越婢湯。桂枝芍湯藥。和榮衛者也。大腹皮散。木香丸等。和裏氣者也。若風入肺經。兼喘咳。瀉白散加防風。寒入肺經。而發熱喘咳者。瀉白散加麻黃。

【方藥】防己黃芪湯

防己 黃芪 甘草 白朮

金匱甘草麻黃湯

甘草 麻黃

金匱杏子湯

麻黃 杏子 甘草

越婢湯

麻黃 石羔 生姜 大棗 甘草

桂枝芍藥湯

桂枝 白芍藥 甘草

大腹皮散

青皮 桑皮 檳榔 川芎 羌活 大腹皮 防己

木香丸

木香 檳榔 二味同研水爲丸硃砂爲衣

瀉白散

桑白皮 地骨皮 甘草

■寒濕腫

【症象】身重身痛。足脛冷。胸滿悶。遍身腫。



【原因】或時令陰雨。天氣寒冷。或居處陰濕。陰寒之氣。襲于肌表。或因汗出遇水。水寒所傷。

【診斷】脉多沉小。或見沉遲。或見沉濡。

【治療】惡寒身痛。先宜溫經散濕。冬月麻黃桂枝湯。餘月羌獨敗毒散。濕氣壅滯者。勝濕湯。肺經傷濕。喘咳水腫。導水茯苓湯。

【方藥】麻黃桂枝湯

麻黃 桂枝 白芍藥 甘草

羌獨敗毒散 見痿

羌活勝濕湯 見後濕熱腫

導水茯苓湯 治遍身腫。喘滿倚息。不能轉身。飲食不下。小便溺出如割而少。如黑豆汁。

麥冬 澤瀉 白朮 紫蘇 陳皮 赤茯苓 柴胡 檳榔 木瓜

